



三十六



卅六

弘治五年至九年



國權

壬子弘治五年

正明成昏刻大星自軒轅派至近濁

庚辰昏刻月犯六諸王星

壬午上南郊

壬辰減社稷壇鋪五色土僅寸厚用百有十石舊二百六十

石厚二寸四分

乙未英國公張懋等上表請冊東宮以幼未許

鹽官談遷孺木著

丁酉前左副都御史盛顯卒顯字時望無錫人景泰辛未進士授御史天順初言事劾石亨請東麓令有善政憂去邑人奏留薦守節武延平擢廣西右叅政歷雲南陝西左右布政使入刑部右侍郎調南京以左副都御史撫山東饑民儲粟至五百餘萬石顯雅飭工文不附權要卒以功名終

成張懋等再表冊儲不許

二癸卯張懋等又表請許之

水災免蘓松嘉湖糧芻有差

甲辰初思城州知州岑欽誘殺泗城州知州岑應已應弟接

伴迎欽殺之議裁思城州

戊申連府鎮國將軍思鑑等有罪廢徙鳳陽導惡者成百二

十人是一日遼王陰遣人斃八十餘人亡何王長子驟死不

二年王薨謂其報云

己酉月犯井宿

庚戌水災免歸德田租

癸丑龍溪縣盜溫文進等伏誅

甲寅南京壽星見

丁巳右副都御史梁璟巡撫四川

庚申定經筵俱吉服從閣臣言

甲子增禮部主事提督會同館

乙丑曉刻月犯羅堰上星

丙寅詔立哈察陝巴為忠順王故忠順王脫、從孫也兵部

尚書馬文升謂夷俗貴種類故立陝巴仍賞都督同知奄克

孛刺及都指揮使阿木即為都督僉事佐之

代府輔國將軍成靴有罪降為庶人

丁卯立入大同陽和衛境殺邏卒

己巳旱災免杭州金華田租有差

夜北方黑氣東西亘天

庚午停陝西綵緘之半巡按御史張文之言

三朝未朔入宣府河西口

壬申前涼州副總兵都督同知趙英卒世臨沅衛指揮使

癸酉進士樊祉為江西道御史

乙亥京師風霾

丙子十屢入甘州樂善堡入大同南山墩

丁丑逮應天府丞冀綺以南京陵廟牲違悞見劾

戊寅立皇太子厚照詔赦

辛巳劉大夏為浙江左布政司使

癸未國子生薛正授中書舍人正南京兵部尚書薛遠子以

軍功

乙酉宣府龍門所守備左監丞陶亮光戾調萬全左衛以守

備萬全左衛太監謝銓代

己丑國子監博士張應奎為河南道監察御史

辛卯前總督漕運右副都御史李昂卒昂字文舉仁和人景

泰甲戌進士授工部主事歷守青州治稱最墾田五千七百

餘頃賑饑民百二十萬沃亡復業五萬二千五百家擢福建

左叅政累進右副都御史巡撫江西討平信豐安遠武平上

杭等巨盜又討兩廣狼狽夷頗縱夷卒多暴橫聲望頓減

陳善曰語云馬或奔蹏而致千里士或有負俗之累而立

功名如文舉長才遠略所至輒有建樹卓可紀彼其所

存者大矣即不能概於眾口又可多訾耶

兩廣總鎮太監王敬提督右都御史閔珪總兵官毛銳討古

田獠賊分四哨副總兵馬俊右叅議馬鉉自臨桂入中伏俱

被矢死及千戶王珊等停鎮撫官俸

乙未疏南贛衡永鹽法濟兩廣軍興

禁永平麻谷山採礦

丙申鎮守薊州署都督僉事李銘致仕

戊戌壽寧伯張憲進封壽寧侯益祿二百石

己亥兵部郎中艾璞行人高胤先使朝鮮刑部郎中沈厚行

人董振使安南頒詔

四 癸卯琉球國中山王尚真入貢

巡按陝西御史李興與巡撫韓文訐奏以興酷暴械入京下

獄

庚戌寧夏地震

甲寅加鎮守薊州寧晉伯劉福總兵官凡武臣不佩印不稱

總兵至是福以請尋給總兵長印此後制稍變

乙卯徽府紀善龔天錫言徽王違祖訓三十一事命司禮太

監李榮駙馬都尉周璟勅諭王省改

丁巳釋輕囚

偏頭關地震

戊午前太子少保禮部尚書鄒幹卒幹字宗威餘杭人父濟

少詹事幹正統己未進士授兵部主事歷武選郎中值北狩

起右侍郎處繁應變景泰初改禮部考察山西賑河南鳳陽

至今官家居值歲饑奏賑上勅勞之比至先不起清慎自  
持終始不變年八十四贈太子太保謚康靖  
前南京禮部尚書黎淳卒淳字太樸華容人天順丁丑進士  
第一授編脩進右諭德少詹事歷吏部左右侍郎南京工部  
尚書耿介寡合議論不隨門生某宰華亭遺紅雲布即題其  
封曰古之為令拔荼植桑今之為令織布添花吾不用此妖  
服也其嚴峻如此贈太子少保謚文僖

庚申蓋州衛地再震

辛酉巡撫四川右副都御史邢表言故翰林學士承旨宋濂

卒夔州瘞蓮華池山下乞贈謚祭葬章下禮部

癸亥香河縣雨雹傷禾

乙丑莒沂安丘郟城大雨雹傷人禾

丙寅易州山廠工部左侍郎潘禮致仕

五庚午朔荆府樊山王見瀑奏先荆王見瀟陰懷悼逆上命

太監蕭敬刑部侍郎戴珊按之盡得其奸狀以聞

癸酉太廟後殿成兵工部尚書馮文升賈俊進太子少保

乙亥金星晝見

辛巳太僕寺卿曾鑑為工部右侍郎理易州山廠



大學士丘濬乞按內閣藏書分類具數又建重樓藏寶訓  
實錄從之

禮部  
乙酉土魯番入貢獅受之禮科都給事中林元甫乞卻之下

丙戌上告太廟奉懿祖帝后於祫殿

壬辰曹州學正濮琰言州東北五十里雷澤鄉堯冢及母慶

都墓元末入為僧寺今寺廢乞立祠命葺之

酉刻南京金星晝見

戊戌廣州卒求增餉大掠撫定之斬戎首三人

六庚子朔右都副御史鄧廷瓚巡視貴州兼提軍務

癸卯災傷免畿內今年備用馬十之三

御史彭程言光祿寺作皇壇器用乃先帝齋具竊謂陛

下即位此類俱廢何為而猶製之哉李孜者繼燒邪說耗財

先帝信之彼二人竟不能自克又安有福壽之理萬一

陛下有此舉也望過之於將萌無此舉也當治臣下逢迎之

罪上以暴揚先帝過舉下鎮撫司獄

甲辰廣西永安長官司復改永安州成化間設州秦紘奏仍

內府光祿寺課程自白糧外俱停解收直置辦四川按察司

知事王勉言之

丙午岷府南渭王音藝薨年五十五謚榮順

戶部左侍郎吳原請從祀宋儒龍溪陳淳出朱子之門有易

本義大旨論孟庸學曰義學者稱北溪先生下所司

丁未水災免廬鳳淮揚徐滁和去年田租有差

上入宣府小白陽堡

辛亥戶科給事中叢蘭諫造皇壇器皿命光祿以數聞光祿

寺卿胡恭等謂欽安殿脩齋辦之 上責蘭皇壇所自蘭以

本寺領狀對於是胡恭等引罪謂成化中乾清建皇壇脩齋

今誤為皇 上責其支吾奪月俸

癸丑月犯建星

癸亥月犯昴宿

初御史馮祀奏土官子孫仍赴京襲職巡撫雲南右副都御

史王恕言土官在邊方往回動經萬里貧富不一及至京師

有保勘不明會奏未到累年不得承襲是以特恩免其來京

委官勘奏是乃懷柔遠夷革弊省事之良法若祀所奏令赴

京承襲俾知朝廷之威自足以消其邪心而不便之事有所

未免軍從其舊從之

甲子寧夏地震明日又震

戊辰代府懷仁王成鈿薨年三十一謚恭和

七廟午前禮部右侍郎艾福卒襄陽人天順四年進士

甲戌王鼎丁養浩樊廷選郭鏞周進隆張綸金獻民王哲俞

琳韓春王珣方榮劉紳張天衢榮華劉芳張黻沈元楊鍊劉

偉國瑀高崇熙張閻連盛為監察御史

增南京巡街御史二人舊一人

乙亥定在京有印題奏徑自封上餘赴通政司

丁丑南京神機營小教場俱用勳臣

戊寅修湯陰岳飛祖塋有司歲祭鴻臚少卿李鑑言之

南京右府都督同知王鈺卒

庚辰入古北口羊兒谷

壬午裁定問刑條例

陝西禮縣地震有聲

癸未入宣府鎮安門墩

乙酉嘉祥訓導婁奎請訪曾子遺派在江西贛榆者授博士

壬祭下所同

戊子重修部禮成

己丑哈密衛故都督僉事賽亦撒陰從子寫亦虎仙都指揮使哈刺參俱為都督僉事

辛卯雲南曲靖衛知事李晟上正兵跋語正兵要旨文武通訓報寢

甲午南京戶科給事中楊熹等上六事曰停講月日仍令講官更直俟顧問曰近詔許直言數月寂無所聞豈人猶有所顧忌耶曰詠吳中水利停額外織造曰問刑條例重加寬定曰凡大政乞悉召大臣入議仍令給事中御史隨入啟正下所司

戊戌巡撫貴州右僉都御史高崧卒襄城人成化二年進士

八月亥朔曉刻火星入鬼宿犯積尸氣星

辛丑禮科給事中王綸上六事撫涿移急賑濟緩催徵均優卹時播種汰冗官下所司

癸卯少師兼太子太師吏部尚書華蓋殿大學士劉吉致仕上欲封張后兄弟吉請盡封曰周王二太后家子弟乃可上不懌遂休乞吉險忤善傾人久挂物議懼臺省亂已夜造請餌以起擢人目為劉棉花以耐彈擊也

王世貞曰劉博野非君子也其去乃以不封張氏周陽曲

經君子也其出乃以壻曹元陳師召音閻者也獨持不  
弟闕直倪舜咨岳表者也送闕人賜喪人固有不可必  
者也

晉府慶成王鍾鑑子女九十四人巡撫山西左倉都御史楊  
澄等恐收養異姓勘實奏自正妃外限妻媵四人各將軍三  
人中尉二人從之著為令

丁未曉刻火星犯木

戊申吏科給事中葉紳刑部郎中顧源廣西勘事回上十事  
曰遠方有司為貧而仕豈肯盡職乞選附近廣東湖廣江西

能吏陞授曰國初廣西官軍十二萬今萬八千人乞募壯勇  
籍土兵曰遣部曹駐梧州專理兩廣糧儲曰廣西軍職自叅  
將下選本省及廣東湖廣將領廣諸地形習險僻曰將吏必  
習武藝曰土官襲替仍令赴京曰儒學官全設量裁省曰兩  
廣軍職襲替俱赴四川納銀救荒免比試今廣西災甚宜納  
廣西布政司曰土官例三年進馬乞准輸十二金上從之  
己酉壽寧侯張懋卒懋興濟人補諸生貢太學以女皇后  
貴恩賚之威威晚莫與為比頗自溢年四十一贈太保追封

昌國公謚莊肅

庚戌勅工部左侍郎陳政兼右僉都御史總理河南水道時  
黃河復決荆隆口東潰黃陵岡注張秋入漕河與汶水合而  
北行

癸丑皇妹薨追封仙游公主

乙卯兩浙灾右僉都御史張文昭巡視賑濟文昭喪母改戶

部左侍郎吳原兼右僉都御史往

丙辰海豐縣雨雹

戊午曉刻南京壽星見夜月犯六諸王星

己未寧府宜春王磐姚薨年七十九謚安簡

辛酉盖州衛地震有聲

壬戌水旱停山東河南備用馬十之三還兩直隸山東浙江

河南清軍御史

乙丑水灾停浙直額外織造

九  
己卯已朔鳳陽知府童銳應詔上四事專責任農桑使轉輸淮

起運鳳陽糧八萬餘石乞  
存留鳳陽糧六萬石抵數  
曰申禮制歸遵國初頒降  
衣慎征

戊榜論貴州下所同

壬申虎刺撤國回  
怕魯灣等國自海道入京貢方物以非

塗卻之僅給贖

寧夏地震

甲戌太常寺卿兼侍讀學士傅瀚展墓

庚辰郭繼宗彛為南京監察御史

河州地震有聲

辛巳命太監白俊駙馬都尉蔡震徵荆王見瀟見瀟不道幽

母妃魏氏死殺弟見溥逼淫其妃何氏留之又逼淫從弟見

潭妃茹氏日狎惡少私出奪民子女殺鎮國將軍見澄見澆

事聞遺書宗室議其罪賜何氏死奪茹氏封

壬午以隸卒詐取獄囚刑部郎中車震陳章員外郎蔡相陳

宣郁容主事朱儀侯直仲本張愷姪文灝張景琦朱清李充

嗣俱下獄調外震真定同知相商州宣夷陵州餘俱通判時

邏校多私請震等拒之媒孽其罪

甲申代府博野王聰泰薨年三十五謚端穆

丁亥大星隕信陽渭南地震

辛卯絳州地震有聲

乙未臨沅地震

十戊戌朔翰林檢討倪福紀鑪為衡府左右長史

己亥蓋州衡地震有聲

甲辰江西按察使魏富為右僉都御史巡撫順天

八宣府龍門所

昏刻月犯牛宿

乙巳前南京工部尚書程宗卒宗常熟人景泰辛未進士授

刑部主事歷右副都御史巡撫雲南處木邦孟密事釀患西

南滇人羞稱之前以員外郎守吉安民群赴京師請留晚乃

大謬惜哉

夜火星犯靈臺上星

己酉傳制封觀鈞寧王祐樞興化王祐樞太和王祐枳廣安

王安澤信陵王寘鏞弘農王寘鐸安化王寵洩衡陽王恩錦

沅陵王成鑄潞城王

木星晝見夜月犯外屏西星

庚戌止寧夏採豹

壬子廣寧前屯衛天鳴

癸丑曉刻月犯天高星

甲寅夜月犯司怪星

乙卯立故建寧知府建德張瑛祠於建寧

正統末擊盜死

給哈密忠順王陝巴婚費如一品禮



入大同分水嶺

丙辰水災賑廣惠南韶

己未宥御史李興死與彭程皆謫成程成隆慶衛諸大臣及王愬各請宥程不許久之釋為氓

辛酉金星晝見南京木星見

提督軍務右副都御史鄧廷瓚總兵官鎮守湖廣鎮遠侯顧溥都督僉事王通討貴州都勻清草叛苗太監江憲監軍御史黃玘紀功合雲貴川廣兵八萬人

癸亥張過郝鑑為南京監察御史

丙寅前少詹事兼翰林侍講學士程敏政左春坊左庶子兼翰林侍讀張昇並復秩錦衣衛千戶葉通言其枉

十一月己巳南京金星晝見

甲戌入寧夏威鎮等堡

乙亥福建提學副使羅璟為南京國子祭酒

南京風霾

以水災免應天蘓松常鎮歲辦三之二

丙子左府帶俸成安伯郭鐘卒

丁亥監察御史唐相以巡按廣西失訪外戚請永城縣丞

辛卯左府帶俸安鄉伯張寧卒

閉溫處銀礦

十辰戌戌進士王中為南京監察御史

辛丑命合州祀宋知州王堅張珏俱殉者

庚戌謝綬為南京監察御史

魁蘭州

夜東方白氣亘天

壬子巡茶監察御史竇庫苛罰謫萬縣知縣

癸丑月犯軒轅右星

丙辰張鶴齡嗣壽寧侯傳陞通政司經歷高祿為右叅議察

妹婿也吏部尚書王恕謂祿進士自足遠到何藉戚屬不納

又整次子延齡授都督同知中府帶俸并陞張嶧正千戶張

岳張麒副千戶張倫張紀張恪百戶

廢荆王見瀟為庶人錮西內免校毛剛等棄市以樊山王見

戊子夜月犯角宿火星犯進賢星

己未錦衣衛帶俸正千戶周賢原貢士乞仍會試特許之慶

大長公主子

庚申水災免杭湖嘉興紹興金華今年歲辦蓮薑等三之二  
甲子裁浙江管礦右叅議僉事各一  
丙寅秦府臨潼王誠潔薨年四十五謚和僖  
是年定民牧十丁共見馬一牛一十五丁馱馬一計歲科俵

癸丑弘治六年

正月邗朔遠東都司及復州益州金州衛地震有聲  
甲戌平鄉伯陳信卒

壽州同知董豫上三事覈田糧脩陂塘遵舊制稅糧上倉俱  
從之

乙亥廣東按察僉事沈鏡專理鹽法

丙子入宣府西路

昏刻月犯司怪星

己卯上南郊

癸未兵部主事莫驄上六事平差後衛所上中戶京操運去

况官處置清勾逃軍留災傷地方操卒存雜差正軍山東南

軍多納淮安臨清倍實軍戶籍影射上從之惟勾軍仍舊  
食糧宜餘丁代納

南京風霾

丙戌私闖數百人擊登聞鼓求用俱下鎮撫司治罪  
丁亥水災免山東鹽課六萬二千餘引  
己丑部院大計降斥千四百人雜職千一百三十五人其兩  
司部守老疾等以實蹟上縣官未三年亦核上吏部尚書王  
恕具報上以人才難得兩司部守年未六十雖疾不妨視  
事素行不謹在任前見任不謹罷軟非本部確訪或止一處  
開列并其餘到官未二年非老疾貪酷著者俱留  
康寅募民納粟於貴州都勻清平資餉

辛卯戶部右侍郎張鼎疾去

故鎮守廣西都督僉事馬俊贈都督同知子振襲都指揮僉  
事

先是勅安定王千奔送哈密忠順王陝巴家屬千奔不從云  
陝巴不宜王宜綽兒加即前罕慎姪千奔弟也廷議前徵  
綽兒加不至何反覆為命諭以哈密始末

癸巳吏部奉命復奏留外官五十八人

二廡子太常寺少卿兼侍講學士李東陽少詹事兼侍讀學士

陸爾王禮闈

曉刻火星犯平道夜金星犯羅堰

辛丑河南按察僉事史俊兼整飭鳳陽兵備

壬寅巡撫都御史魏富閱寶山海諸閩張琳閱寶居庸諸閩

墩牆器械

癸卯賑江西武寧縣水災

甲辰懷來右叅將都指揮同知盛忠私率伐木塞外被殺不

以聞罷忠并撤奉御張勝

乙巳提督倉場戶部左侍郎秦民悅署部事巡撫應天左副

都御史侶鍾為戶部右侍郎提督倉場工部右侍郎徐貫為

左侍郎巡撫湖廣右副都御史謝綬為工部右侍郎

己酉襄府棗陽王見沔薨年三十謚僖順

辛亥巡按山東御史李善請築遼東邊墻下所司阻遼河為

固濱河一百餘里夏旱水淺不及馬腹冬寒冰凍如履平地

況地窪雨澤闕原有警則錦義廣寧之兵徒望歎耳舊有陸

路自廣寧抵開原三百餘里如開舊路展邊墻起廣寧棋盤

山抵開原平頂山移一百里之戍聚首三百里西路錦義中

路廣寧東路遼陽北路開原聲勢相接可無東顧之憂報可

甲寅吏部奏詔錄常遇春玄孫復李文忠玄孫璿鄧愈五世

孫炳湯和六世孫紹宗世襲指揮使各近衛祖瑩奉祀  
丁巳浙江左右布政使劉大夏為右副都御史治張秋決河役  
十二萬人大夏既抵任議河勢悍張秋乃下派襟喉未可即  
治分導其上派南行復長隄禦之且防大名山東之患俟其  
循軌決可塞也

戊午太子太保吏部尚書王恕求去不允大學士丘濬初與  
恕同官以禮部班其下及直閣恕猶倨其上濬不樂會大計  
中旨留九十餘人恕因爭言官拾遺恕聞諸評語及摘單  
上謂不實令再核恕復執跡三上遂堅退

馮時可曰三原雖公但惡惡太嚴亦有為人所欺者方大  
計時內旨所留皆上使人密偵得之大都強項吏不宜  
時者非有真授旁徑三原堅執致失上心至立傳一事  
遂令魚水之契不終然其始終一節侃、不變塞誠孔子  
所謂大臣也

辛酉兵科給事中吳世忠乞表建文殉難諸臣方孝孺周是  
脩練子寧黃子澄鄒公瑾魏公冕顏瑋齊泰等下禮部

昏刻南京壽星見

甲子曉刻金星犯壘壁陣四星

己丑嶧縣地震有聲

三月己四川雲南左布政使何鑑韓文並為右副都御史巡撫

應天湖廣

故廣西布政司右叅議馬鉉贈右叅政子效才入太學

脩武伯沈坊卒

河南山東山西直隸旱下巡撫禱嶽鎮海瀆

廣西徭賊流劫瀧水縣

壬申曉刻土星犯壘陣西星

癸酉命會試乙榜俱就教職

火星犯上相星

乙亥臨沅地震有聲夜月犯軒轅

丙子寧夏地震

丁丑禮部議處廣東番舶私舶禁而不絕番舶禁而不至令

復番舶無違碍者館禮以聞否則阻回從之

戊寅夜白虹彌天

庚辰廷策貢士汪俊等三百人賜毛澄徐穆羅欽順等進士

及第出身有差

癸未曉刻月犯房宿

甲申金星犯壘壁陣東星  
四丙申夜火星犯左執法星

丁酉免大學士徐溥早朝

蝗災免遷安撫寧田租

戊戌賜郭琬冠帶奉祀滁陽王

寧夏地震有聲

己亥土魯番速壇阿黑麻夜襲哈密殺百餘人忠順王陝巴  
都督僉事阿木即據火土刺以守大土刺華言大土臺也三  
日不下阿木即遣調也克力尾刺二部兵為援皆敗遂殺阿

木即執陝巴以去牙木蘭守據如故事聞土魯番貢使撒刺  
巴失等二十七人尚在境寫亦滿速兒等三十四人在京師  
命拘留之甘肅勅責阿黑麻

辛丑設雲南賓州川大羅衛

禮部尚書耿裕等請還土魯番貢使停賞許之

祀宋儒胡安國於衡州子宏祔巡撫謝綬言之

甲辰開封衛輝東昌兗州及元城地震有聲

己酉兵部右侍郎張海前府都督同知綏謙經略哈密

癸丑太醫院院判劉文泰訐奏吏部尚書王恕矯詐強悍選



舉非故事里居日託南吏部侍郎王傑作傳錄曰大司馬三  
原王公傳於跡留中者皆曰不報彰先帝過自此伊周無  
人臣禮怒跡辨請究文泰所指意丘濬也  
追贈外戚瑞安侯王源父鎮阜國公謚康穆

甲寅火

乙卯張恂嗣安鄉伯郭寧嗣成安伯郭寧郭鑪子

沂水縣大雨雹殺麥黍

丁巳寧王宸濠襲封請復先靖王所章祿三之二許之

庚申前太子少保禮部尚書張文質卒昌黎人正統七年進士重厚以孝稱

曉刻月犯外屏星

辛酉南京戶部尚書秦紘考績入京通理致仕前右都御史

俸被詰責

久旱勅修省

夜南京舊內火

五丙寅代府靈丘王仕塲薨年六十二謚僖靖

湖廣應山人張本華婦崔氏生鬚長三寸

入寧夏廟山墩指揮王良趙璽以三百人禦之伏七八

百騎突起趙璽死之

己巳淮世子見濂卒謚安懿

庚午陝西延綏管糧僉事三歲三更

辛未翰林編修馬廷用為侍讀

下劉文泰錦衣衛獄鞠之

壬申吏部右侍郎周經兵部尚書馬文升工部尚書賈俊戶

部尚書葉淇禮部尚書耿裕侍郎周經等各應詔言事皆優

答之

甲戌冊皇妹永康長公主駙馬都尉崔元尚之

乙亥寧夏地震

戊寅增設慶遠府永順永定二長官司

右府都督僉事李景率西寧衛人會寧伯李英子襲錦衣都

督刻月犯鍵閉星

庚辰水旱免荆黃 去年田租有差

茂州地震有聲

丙戌劉文泰獄上謂故都御史吳禎詆王愬傳疏中引五子

之歌又大學士丘濬云刊傳此法直謗君也命降文泰御醫

燬愬傳

王世貞曰按縉紳之言皆以文泰此舉出自丘公然三原

止合辨其事力求歸林不當恭奏文恭欲於午門會鞠主  
使及所謂非老於文學陰謀險計者不能也大臣恬靜之  
體與事君恭順之道惜乎無為公謀者蓋公北人仇直少  
文之故而憲章錄亦似為賢者諱也

辛卯各王府食鹽定運司輸直

壬辰左春坊左諭德曾彥乞宣召大臣參決章奏納之

閏五月乙未水災免應天蘓松去年田租百八十二萬六千六百

八十四石多一十餘萬

戊戌裁廣東雷廉兵備副使

隆慶懷來衛地震有聲

庚子湖廣左布政使劉喬卒萬安人成化二年進士

壬寅京師雨霾

甲辰太常寺少卿兼翰林待講學士李東陽上封事俱引孟

子以近事証之章下所司

南京戶部員外郎周琦言廣西古田馬平山賊宿禍征之策  
有三如成化元年發兵二十餘萬班師後立土官招徠民給  
田免租三年程六年而運湖廣江西廣東之粟接濟此遠圖  
一也若止調兩廣官軍田州思恩泗城南丹等土兵六月調

發九月進山十一月冬至後敬率十二月撫殘徒明年正月  
安置則殘徒各借牛種可以資生此近利二也又全勦不如  
獨攻明捕不如暗執若賊發待檄豈能坐斃且不拘時月撲  
滅此兵力不勞錢糧不費而事濟三也從之  
陝西禮縣地震有聲

丙午翰林脩撰王華為右春坊右諭德

丁未薊州大風雷拔木偃禾牛馬多震死

己酉署通政司事工部右侍郎謝子卒耒陽人工書繪直文  
華門自中書舍人至今官性警敏善承人意子汝暘進士

邠州嘉定州叙南衛地震有聲

癸丑右副都御史張敷華仍提督雁門關兼巡撫山西

乙卯太子太保吏部尚書王恕致仕恕起田間譽望冠代及

被薨葬跡二十餘乃允君子惜之歸集歷代名臣諫議錄百

二十卷年八十四作石渠意見并十六作石渠意見拾遺二卷

年八十七坐玩易軒魯考易說年八十八作石渠意見一卷

其讀書至老不倦嘗曰學如不及幼學且然况將盡之年來

日無幾乎

馮時可曰王公以直著人方魏玄成然於憲廟時真稱

批鱗於孝廟直順風呼耳魚水方契駭波潛發故知終  
始遇合其難哉以公嶽、侃、死生進退無介於懷而猶  
丐一傳自表名根之難去如此孔子曰君子疾沒世而名  
不稱豈其為是然公據尊踐萬巖里几席龍澗九野鶴鳴  
九臯孰不瞻聽而欲效幽貞隱士期附青雲加丹雘以施  
後世豈其未見夫焚書削草鍾山之瑕明月之類胡能掩  
也彼甘為任人以齟君子又何責焉

光祿寺卿胡恭等奏乾明門猫十一刺蝟五西華門犬五十  
三御馬監犬二百十二虎三狐狸三豹一土豹七及西華門

鷄子共歲計豕羊肉并皮骨三萬五千九百餘斤肝三百六  
十件菜豈粟穀等四千四百八十餘石俱乞減省納之出御  
馬監狗七十九隻牲口房雞鶩鴨承俱供光祿寺

丙辰南京右副都御史黃紱致仕

夜大星自奎宿流閣道

己未水災免祥符陳留原武封丘去年田租有差

六月丑禮部右侍郎費閏卒閏字廷言丹徒人成化己丑禮闈  
第一成進士館選授編修歷祭酒最久改少詹事至今官懷  
慨恭謹有公輔之望所著自考詔笑補庵等集

丙寅蝗飛過京師三日自東南向西北蔽日

丁卯山西石州天鳴

戊辰南京總督糧儲右副都御史劉瑀致仕

壬申古田獐賊平

癸酉選翰林院庶吉士顧清趙士賢蕭柯沈燾曹瓊吳一鵬

楊昇曹鏞汪俊周玉黃瀾胡燿王鎮任良弼吳藻許天錫薛

格陳玉陳陽王崇文太常寺卿兼侍讀學士傅瀚太常少卿

兼侍講學士李東陽教習

乙亥申嚴考察奏辦之例

丁丑錦衣衛指揮使錢通卒涼州人祖荅錦衣指揮金事父

奄卜指揮同知征湖廣功賜通姓雅餉恂、特諭祭

戊寅趙府襄邑王見沂薨年三十六謚榮惠

癸未河患免蘭陽考城儀封夏麥

趙府湯陰王見準蒸敗伶蒸繼母趙氏賜死

丁亥李介服闋補左僉都御史

京師大霧四日

戊子報土魯番糾、牧北山欲寇甘肅勅邊臣備之兵部尚

書馬文升討土魯番至哈密十數程哈密至黃峪又數程略

乏水草貢夷備水而行遠來肅州彼豈能全歸哉特虛聲恫  
喝耳卒不至

辛卯禮部左侍郎倪岳為尚書太常寺卿兼翰林院侍讀學  
士傅瀚為禮部右侍郎

七月癸巳朔蜀王申鑿薨年三十五謚曰惠好學博文亦善書

壬寅前南京太僕寺少卿李應禎卒應禎字自伯長洲人貢  
士成化初授中書舍人直文華殿遷南京兵部員外郎歷少  
卿善楷書在中翰命寫佛經奏天下國家有九經不聞佛經  
也忤旨廷杖罷直文華殿

馮時可曰李公不為大閹用不為異教移卓矣哉官不期  
榮家不期豐慕義行仁以遂其志豈徒蒞快士蓋知道者  
哉

丙午清屯田

丁未山西左布政使李蕙為右副都御史總督南京糧儲

戊申赴右都御史屠濬署院南京光祿寺卿熊懷為南京刑

部右侍郎

庚戌刑部尚書彭韶致仕

辛亥吏部左侍郎張悅為南京右都御史

丙辰寧遠縣天鳴

南京右通政強珍歸養

戊午初兵部尚書馬文升言北嶽恒山在渾源州李唐有飛

石曲陽之祠宋失河北地白溝河為界遂祭北岳於曲陽

國朝因之祭於故都之南非其故封禮部尚書倪岳議曲陽

歷漢已然太常寺卿范拱言軒轅居上谷在恒山西舜居蒲

坂在恒山北未嘗據都改岳上然之

張志淳曰馬公嘗語予倪非以志必可信也其父謙嘗遣

祀曲陽禱神生公曰名岳以是因執不改然舜巡狩所祀

北岳見在渾以南二十里彼人猶知奉祀而顧可往曲陽

西百四十里祭子殊非禮矣唐失河朔神不享而飛至曲

陽宋踵唐亦勢使然也今舜祭之地既在山西而信志言

悞也

南京禮部右侍郎徐瓊為禮部左侍郎或劾其援外戚不聽

己未太子少保南京兵部尚書張瑩李瑩字廷器華亭人正

統戊辰進士授御史風裁頗著惟寬簡所歷能舉其職年七

十一贈太子太保莊懿

馮時可曰莊懿渾噩寬平斥城府滌滓畔凡事務存大體



不喜訐激然中實斤、不弛法守艱鉅當前應之自中款  
縈其視與波沿洄外稱醇耐內挾陰陽相徑萬里莊簡悅  
同時稱南北張並重若雙璧里語有南日北霜未諱其然  
要之操冰心則一哉

庚申南京壽星見

癸亥朔寧夏地震

乙丑進士王鈺路麟李師儒何洽楊鐸劉溥翟敬徐宏譚溥  
王序為翰林檢討教諭侯相趙珩蔡材張夔楊敬鈕天錫劉  
濟李文泰趙通吳叔和為待詔各直壽王汝王涇王榮王

丙寅右都御史白昂為刑部尚書吏部右侍郎周經為左侍  
郎少詹事兼侍講學士吳寬為吏部右侍郎  
己巳長子縣雨雹傷禾稼臨晉縣雨虫如雪

辛未南寧伯毛文卒

京師雨雹潮州地震有聲昏刻月犯建星

壬申夜月犯牛宿

丙子蓋州衛地震聲如雷

丁丑夜月食

庚辰詔益寇安撫司改隸雲南不屬木邦以連兵不解也

夜月祀畢宿  
癸未暹羅國入貢

夜月祀井宿

甲申前南京左都御史黃紱卒紱字用章先封丘人成平越  
衛登成辰進士授行人歷撫延綏增築邊堡起南戶部尚書  
改留臺年七十八性廉峻直執遇事颯發忤時貴弗恤智巧  
所避能毅然肩之人稱硬黃

郭子章曰予入平越睹黃尚書棹楔生平後胤衛人莫能  
對也讀吾學編李空同等有黃尚書傳然後知公為硬黃

也公葬在長葛縣馬陵岡則公老於中州子孫仍為洛人  
獨其母墓仍在平越公何不一遷葬耶歐陽永叔遷潁州  
母墓在吉即有龍岡表世猶讓其薄黃公歸故鄉而令母  
魂滯徼外予不知之矣

丙戌南京太僕寺卿張謙卒清苑人成化二年進士居官無  
失德

戊子南京工部尚書侯瓚改南京兵部尚書

庚寅曉刻木星犯靈臺星

九劫辰朔郟城縣地震有聲

甲午卯刻南京木星見

丁酉旌雲南孟連長官司土官舍人刀派羅妻招曩猛年二  
十五矢節二十八年雲南都指揮使上其事

己亥中旨徵四川光相寺番僧國師領占竹入居大慈恩寺  
禮部爭之命領占竹自贖不得乘傳

相柏縣天鳴

壬寅大理寺卿馮貫為南京工部尚書太常寺少卿兼侍講

學士董越為南京禮部右侍郎

旱災免河間保定夏稅

甲辰上入密雲塘山

庶人見瀟前作弓弩兵械不軌事復發勒自盡其世子祐柄

并子女俱安置武昌楚王約束之推靖次嫡孫都梁王祐欄

進封荆王

丁未巡撫山東左僉都御史王霖為理大寺卿

己酉復戶部官領淮揚鈔關

壬子大軍進清平分二道兵備副使吳倬都指揮劉英進揚

安副使俞俊參將趙晟都指揮王楷進清平三關月盡平之

癸丑中府左都督范瑾卒

應天府丞冀綺為南京太僕寺卿

丁酉旌雲南孟璉長官司土官舍人刀派羅妻招景猛年二  
十五矢節二十八年雲南都指揮使上其事

己亥中旨徵四川光相寺番僧國師領占竹入居大慈恩寺  
禮部爭之命領占竹自贖不得乘傳

桐柏縣天鳴

壬寅大理寺卿馮貫為南京工部尚書太常寺少卿兼侍講  
學士董越為南京禮部右侍郎

旱災免河間保定夏稅

甲辰上入密雲塘山

廢人見滿前作弓弩兵械不軌事復發勒自盡其世子祐柄

并子女俱安置武昌楚王約束之推靖次嫡孫都梁王祐欄

進封荆王

丁未巡撫山東左僉都御史王霖為理大寺卿

己酉復戶部官領淮揚鈔關

壬子大軍進清平分二道兵備副使吳倬都指揮劉英進揚

安副使俞俊參將趙晟都指揮王楷進清平三關月盡平之

癸丑中府左都督范瑾卒

應天府丞冀綺為南京太僕寺卿

庶甲定土官賞罰之法有功州府通陞應襲舍人先予冠帶  
否則革秩視事懲治從按察使陶魯議

十月寅災傷免造明年元夕燈火

安南國王黎灝入貢

戊辰築河南彰德懷慶南陽汝寧許州渠堰

庚午建平伯高進卒

辛未以科道諫止番僧領占竹入京

壬亥夜月犯畢宿

丙子禁伐山西塞上樹木

丁丑翰林院檢討王銖路麟李師儒何洽楊鐸劉溥翟欽徐  
銳譚溥王序以藩僚沉滯求定遷法吏部寢之群詬部門下  
鎮撫司削籍以路麟不預釋之

庚辰西安知府華容嚴永濬疏諫織綵絨 上命織者以進

餘悉停永濬言陝西雜<sup>織造</sup>綵絨四十九匹先生徵二十五匹

支二千一百七十一金織造十七人又拘成長涇原四縣各

匠三百餘人兩年各匠費七白金餘未完又徵後幣二十匹

若供尚方可一繫而止若賞賚則赭黃赤紫非臣下所當令

以三百餘家窮年營辦以供杼軸不堪甚矣

何景明曰西安凡三十六州縣土物蓋與七府而加一二  
非古雍秦上地哉然賦役亦加於七府矣夫京省悉有京  
運關內則留賦以贍三邊比邊儲外之百姓內困何耶地  
力不加而非賦之供日廣也

亥刻有大星自柳宿至近濁  
甲申選京營把總官

復設沽頭關主事

丙戌入大同商家庄及東水溝

戊子左春坊左諭德魯彥為南京翰林侍讀學士

惠安伯張瓚卒

十一月己亥賈斌服闋仍署鴻臚寺事禮部左侍郎

辛丑設雲南彌勒維摩州添官土官無後

甲辰月犯司怪星

丁未前大學士劉吉卒吉字祐之博野人正統十三年進士  
館選授編修以禮部左侍郎直閣歷少師兼太子太師吏部  
尚書華蓋殿大學士贈太師謚文穆遣中官諭祭三有司諭  
祭十雖有殊異謂品崇何

庚戌光祿寺卿胡泰以吏役私盜降山東都轉運鹽使司同

知

乙卯祠宋臣范仲淹純仁墓於河南萬安山巡撫徐恪以聞

丁巳南京太僕寺少卿林鳳為光祿寺卿

戊午合肥縣地震有聲

己未昏刻金星犯土星

十二月帝酉朔進士王宸李祿張良弼吳仕偉于瑁東思恭蔚春

李舉張文方矩為給事中

申刻南京金星見

壬戌南京大風雨雷電拔

孝陵末郎陽前大雪是夜雷震

後五日雪止積三尺人畜凍死亡甚

丙寅南京左府都督同知馮昇卒寧夏人本番將累戰功質

慎善撫下向慕儒學亦足多也

庚午昏刻月犯畢宿

辛未晉世孫表榮卒年二十五弘治十五年追封晉王謚曰

懷

丁巳大同關頭墩

己卯諭鎮巡有司官脩省懲貪暴恤困窮防賊寇撫安軍民

庚辰阜平縣天鳴

癸未暑錦衣衛都指揮僉事李成卒

甲申脩歸德殿工公微子祠

丁亥擢儒士潘辰翰林待詔先順天尹唐珣至是給事中王綸夏昂交薦

巡按河南監察御史徐昇言黃河為患南決病河<sup>南</sup>北決病山東漢決酸棗復決瓠子宋決館陶復決澶州元決汴梁復決蒲口然漢都關中宋都大梁縱河衝潰不過瀕河數郡被其害國家都北平額藉會通以運若河決西北大可為漕憂臣嘗博訪利害得四策夫河派分之則南障之則不北如飲

馬白露等河界滎鄭五河東西間皆由渦入淮之故道所在淤淺誠令跡濬以分派殺勢則南行自順天黃陵岡水易奔嚙倘清端稍見即興人徒葺理之亦可以捍河之南張秋等處可無患然水勢無常非得人與專任計無所用之耳臣觀僉事張鵬見任河南廉幹老成習知水道沿河之務付之必有定畫右副都御史劉大夏令居中裁決庶能展體竭誠從之

是年置貴州都勻府凌文獻為知府特賜勅令獨山麻哈二州清平縣并都勻邗水平州平浪四長官司隸之



甲寅弘治七年

正月辰太子少保兵部尚書馬文升請擇醇謹宮人如衛聖楊  
夫人豫教皇太子如內庭之曲宴鐘鼓司之承應不使之  
觀元宵之釐山端午之龍舟不使之見以至佛老之教尤不  
宜口誦其言目觀其像一二年後釋內臣如覃吉者先誦孝  
經八歲教詩書上納之

丁酉上南郊

夜月犯畢宿

庚子水災免保定河間去年田租有差

昏刻月犯井宿

癸卯曉刻木犯靈臺星

寧夏地震有聲

丁未鄧廷瓚平都勻清平蠻班師

庚戌河南水旱免夏稅秋稅有差

辛亥改作肅州嘉峪關甃之額曰鎮西樓

一夜月犯鏡閉星

二月戊傳制益王婚

甲子災異勅諭修省

乙丑旱災免襄陽南陽去年夏稅之半

戊辰連府枝江王恩錢堯年四十一謚溫穆

辛未昏刻金星犯昴宿

癸酉進士陳縝李允張顯武臯王選劉蘭郭瑀為翰林檢討

直諸王

甲戌昏刻南京壽星見

乙亥裁浙江水利僉事歸於管屯

丙子工部尚書賈俊致仕

毛良嗣南寧伯毛文子

復廣西柳慶兵備副使

丁丑入古北口

曲靖地震如雷傾民居

戊寅復王越左都御史致仕并復子春正千戶時百戶

己卯巡撫順天右僉都御史魏富疾去

庚辰高震嗣建平伯高進姪

癸未御史張泰等乞免遣織造內臣不允工科都給事中王

啟等言之仍不允

乙酉旱災免平陽去年田租之半

丁亥南京禮部尚書劉璋改工部尚書

增解州鹽三十萬引為七十萬引試行一年巡撫都御史張

敷華以補宗祿

三月辰裁河南筦糧叅政

巡撫延綏右副都御史劉忠致仕

福建龍溪龍巖縣地震有聲

癸巳大理寺左少卿屠勳為右副都御史整飭薊州邊備兼

巡撫順天

乙未前工部左侍郎杜謙卒昌黎人景泰五年進士少有孝行居官長厚

丁酉戒酷吏歲四月各撫按錄囚八月報上其酷吏除名

己亥張偉嗣惠安伯張璫子

連東廣寧等衛風晦雨虫如蠅父之俱入土又潘陽錦州城

風傾百餘丈

庚子山東右布政使熊繡為右副都御史巡撫延綏

水災免懷寧田租三萬三千八百六十三石

壬寅建州左衛都指揮使保能之弟伏當加數叛款至是

誘保能原勅冒貢求都督事露下錦衣獄  
乙巳荆世子祐柄虞城王祐榴洛安王祐橙庶濟王祐梔俱  
廢庶人徙武昌

戊申兩畿蝗命民捕蝗一升予米倍之

辛亥故刑科給事中林霄使暹羅卒其國錄子菲入太學  
廣西巡檢司多設土官副巡檢討盜同功罪

登州地震有聲蓋州衛亦然明日復震

壬子周府清河王同鏞薨年三十二謚昭和

癸丑都察院榜禁天下十事縱盜賊害軍民淹罪囚虐小民

繁科差違信牌積猾濫罰兇徒賭博

丙辰解州見星大如杯俄五之各長數丈如火已天鳴有大

星隕陝州聲如雷

四  
壬戌復右春坊右庶子兼翰林侍講王臣

琉球國中山王尚真入貢

申子南京通政司經歷張昂為四川按察僉事前御史謫

己巳陝西莊浪衛地震有聲

庚午撫治鄖陽右副都御史王道疾去

乙亥增設雲南陸涼州流知州元謀縣流知縣并改設馬龍

州流知州馬龍士官無子

丙子陝西左布政使沈暉為右副都御史撫治鄖陽

己卯廣西計擒盜魁黃鑑臣前殺副總兵馬俊者

壬午前署太常寺事禮部左侍郎丁永中卒予祭葬亦異事

乙酉獻俘伏誅磔十一人斬二人

丁亥濬南京天潮二河

五月甲午勅旌代府靈丘王長子成毅孝行也父事父誠至沒廬墓

友作述世濟其美俱以孝旌丙申兵部左侍郎呂震安州人貢士授御史歷南京光祿

太僕少卿俱盡職有聲擢右僉都御史巡撫延綏有防禦功

進侍郎性夷曠遇事善裁決賜祭葬

戊戌南京兵部郎中婁性削籍初南京守備太監蔣琛劾性

立宿州生祠又侵阜隸銀遣官按之琛又劾性飾贖又南京

兵部員外郎袁燠侵舡價性疏辨而廣洋衛指揮同知石文

通劾琛傷聚寶山脉斃商占軍匠諸不法琛又屢訴蔓引數

百人成大獄又遣官獄工性坐贓免南京兵部右侍郎王繼

適入朝以不舉下臺獄贖杖還任

甲辰勅內官監太監李興平江伯陳銳同劉大夏治決河

昏刻木星犯靈臺星

下致仕御史倪進賢閑住荊州知府定海沃類於錦衣獄進賢館選授御史以秘戲千萬安按四川宣府穢甚類亦御史降內鄉令諂事當道遷荊州雖才而貪暴至是俱潛入京營復被劾下獄贖杖遂還

談遷曰宵人敗類使安享長林非所以隆其罰也乃本其盜行自罹文網亦天實為之矣快哉

南京吏部右侍郎童軒為南京禮部尚書兵部右侍郎張海為左侍郎左僉都御史李介為兵部右侍郎

水災免徐州豐沛去年田租一千三百四十三石

戊申立貴州獨山麻哈二州改清平長官司為縣各設丞官俱鄧廷瓚經畫

庚戌金星晝見

甲寅右春坊右庶子兼翰林侍講王臣復被劾調南京工部

初甲

乙卯巡撫四川右副都御史梁璟為南京吏部右侍郎巡撫宣府右僉都御史楊謚回院

六月未遑東錦州野火不可滅延焚營器幾盡斃人馬

庚申限度僧道

辛酉南京金星晝見

壬戌廣東左布政使馮俊為右副都御史巡撫四川陝西按察使陳紀為右僉都御史巡撫宣府

癸亥南京暴風雨拔孝陵木

甲子周府原武王同繳費年四十謚康僖

四川靖夷堡百戶翟深等私卒出境被番賊殺十四人擄十五人

乙丑高郵康濟河成初命巡河御史孫衍管河郎中吳濬治

之

丙寅兵部右侍郎張海上哈密六事曰授貴族都督僉事寫亦虎仙等七人官分領諸夷曰哈密馬黑麻打力叛附土魯番導寇其家屬有僑甘州者宜密防曰哈密土魯番戈甲不滿三百兵馬不三千親黨止兄一相仇殺左右財十一人昔狼何欲絕漢趙克國今諸羌毋解仇元昊寇宋種世衡計去野利天都亡初甘肅守臣俾彼親者相離仇者不解則可圖矣曰閉嘉峪關絕西域貢道曰脩邊曰選延綏游兵三千聽援甘肅下兵部議

辛未茂州地震有聲

甲戌陝西左布政使王衡削籍巡按御史張文降貴州布政  
司照磨李鸞衡州府知事初文考衡不謹遂互訐坐罪  
丁丑立貴州印江縣

戊寅前後府都督僉事李銘卒世武成後衛副千戶

己卯錄貴州功進鎮遠侯顧溥太子太保都御史鄧廷嘯右  
都御史仍巡撫都督僉事王通署右都督右叅將趙晟為都  
督僉事餘陞賞有差

南京太常寺卿陳音卒音字師召莆田人天順申申進士館

選授編修嘗疏時政薦李東羅倫張元禎章懋王徽陳憲章  
等革法王佛子真人位號太監黃賜母死侍講徐瓊議予音  
怒叱之貌若不慧而卓卓不可奪文典實有致年五十九賜

葬祭

李東陽曰平居細事多不經意或遭嘲諷無所校至分別  
義利則界限截立中有執守有毅然不可奪者焉古稱仁  
者必有勇信哉

王鏊曰語有之仁者必有勇者不必有仁信哉予觀愧  
齋先生平居恂恂語若不出口至其跡時事叱邏卒排衆



議何其壯也於乎其所謂篤行君子者乎

辛巳月祀畢宿

七月子蘓常鎮江暴風雨潮溢壞人居

巳丑土魯番來貢還哈密之俘兵部右侍郎張海都督同知  
綏謙等言西域入貢故事肅州驗甘州再驗今止其使於肅  
州必歸罕慎許貢下兵部

談遷曰土魯番之狡甚矣珍我哈密又無歲不貢其殺罕  
慎有莎車之罪執陝巴有郅支之惡歸罪以誠使邊臣莫  
可控揣幸其道遠衆弱否則患邊無已時也

南京大風雨壞城樓殿吻板壇陵諸樹

癸巳巡撫寧夏右副都御史韓文致仕

巳亥河南左布政使孫仁為右副都御史巡撫寧夏

甘肅總兵官周玉疾去

庚子夜月犯羅堰上星

辛丑大同副總兵都督同知劉寧為平寇將軍總兵官鎮守

甘肅

壬寅昏刻月犯泣星

乙巳改汾州守禦千戶所為汾州衛

京師地震

勅工部左侍郎徐貫兼右僉都御史理江南浙西水利貫以  
主事海寧祝莘從莘歷究原委於是委蘄州通判張昊開白  
茆港洩崑湖承入江開斜堰等塘洩陽城湖入海浙江左叅  
政周季麟脩各隄岸共役二十萬六千二百八十餘人論者  
謂此舉祝莘之力為多惜急成故白茆港未深廣

庚戌停哈密王封令其衆暫居甘州集番漢兵掩取牙木蘭  
辛亥福州地震有聲  
遼東亢旱至是大雨水

壬子後府帶俸泰寧侯桓陳卒

曉刻金星犯鬼宿

甲寅前浙江右叅政陸容卒容崑山人成化丙戌進士授南

京吏部主事轉兵部員外郎郎中出叅藩耿介不苟年五十

九

馮時可曰陸公之執法即張釋之何以加諸生持三尺  
卒行其志雖曰臣直要無明主聖無所掣抑為遭逢矣晚  
而旬宣遭謗不白公以此日蘊隆而世固不以瑕疵公也  
詩曰禮義不愆何恤人言庶幾於立不惑矣何所惜哉

丙辰雷焚福州屏山城樓

辛酉巳刻大星自中天流至近濁火星隕大同化白氣而散

乙丑徐溥丘濬劉健各秩滿進溥少傅兼太子太傅吏部尚

書謹身殿大學士濬少保兼太子太保戶部尚書武英殿大

學士健太子太保兼禮部尚書武英殿大學士

曉刻南京壽星現

丙寅昏刻月犯鏡星

丁卯裁臨沅輩昌水利通判

己巳兵科給事中周旋言近年傳奉復行如往日黃忠杜裕

黃緣不過數人而張玘李綸輩遂至三十餘人玘綸等傳陞

方瑜一日而李璫朱俊德又求加級恐自今以往投閒之人

皆引類而起矣不納

進士柯拱北為翰林檢討直王

復設大臣專理誥勅於是李東陽為禮部右侍郎兼翰林侍

讀學士理誥勅日講少詹事陸簡為詹事兼侍讀學士程敏

政為太常寺卿左庶子張昇為少詹事俱兼侍講學士

辛未南京戶部員外郎牛通貪鄙無狀嘗詬同官員外郎余

完致自刎死上惡之忒建昌衛

乙亥周府聊城王安濟薨年二十謚懷和

丙子取鄉試羨金供禮闈應天山東山西河南陝西各六十

兩餘百金兩廣雲貴不與焉

戊寅夜南京地震

己卯叙州府大疫

辛巳旌故蒙化土知府左剛妻張氏貞節

曉刻月犯軒轅右星夜金星犯軒轅左星

甲申大通事錦衣指揮俞事王英言罕東左衛在哈密南其

程三日野也乞里在哈密東程二日怨土魯番次骨我撫之

皆兵也西域使者方叩關利互市我聲阿黑麻罪謝勿與通

彼窮而歸怨皆吾間也若然土魯番孤而自危安能有哈密

章下兵部

九月亥曉刻金星犯靈臺西星

己丑南京守備太監蔣琮有罪以傷聚賢山脉戍孝陵琛恣

橫累訐人至是始敗

壬辰前戶部左侍郎李嗣卒

南海人景泰五年進士歷官有惠政

前巡撫甘肅右副都御史唐瑜卒

上海人景泰二年進士才豪爽頗粗厲居官有聲

癸巳興王辭山陵

丁酉南京地震有聲

辛丑夜月犯天高星

癸卯興王之國

夜月犯井宿

乙巳汪宣何款為南京監察御史

己酉進遂安伯陳韶平江伯陳銳武山伯王鏞俱太子太保

兵部尚書耿裕馬天升太子太保戶刑部尚書葉淇白昂右

都御史屠滂改左都御史俱太子少保

前南京刑部尚書張瑄卒瑄江浦人正統壬戌進士授刑部

主事歷郎中守吉安善裁決累進尚書務平允年七十八賜

祭塋

甲寅火星犯木星

十月己南京刑部尚書鄭時致仕

滁州地震有聲

戊午增雲南解額二人貴州三人合五十人

己未旱災免陝西田租二十七萬四千三百八十石有奇

定民兵額大州縣七一百里以上里二人五百里以上里三

人三百里以上里四人百里以下里五人

壬戌 崇王見澤聞入太皇太后違豫求詣闕問安諭止之  
以內官監太監李廣言發卒萬人脩內府萬春壽安等宮遂  
安伯陳韶督之西四縣二十六萬四十三石  
癸亥免四川太平長官司逋茶令補植徵之

丙寅前戶部尚書李衍卒衍隆慶州人景泰辛未進士授兵  
部主事歷四川松潘右叅議擇要害立堡柵民始得耕性簡  
直所至以嚴見憚

戊辰傳制封祐欄荆王寔登慶王賓瀚蜀王祐樞崇世子祐  
楮慶元王旭樞渭源王聰淑懷仁王勛激唐山王宸濠工高

王奠站宜春王聰漢隰川王成鈞宣寧王祐相永豐王成毅  
靈丘王

湖廣苗賊入靖州各關堡焚掠殺百戶

辛未南京地震有聲

壬申 八山丹衛

甲戌山東按察副使楊茂元言張秋之役劉大夏足辦餘滋  
擾耳乞撤太監李興平江伯陳銳部覆不允又奏荒旱撤臨  
清監丞李全亦不允  
已卯定儀賓祿本色四之餘折色

先是在京富戶逃原籍歲徵五金至是止五金  
癸未西安地震明日高陵縣復震

甲申哈密寄住夷人三種曰回、曰畏兀兒曰哈刺灰至是  
官酋七人

十  
丙戌朔復唐府承休王芝娘爵仍奪半祿

戊子進士史載德夏時李情為南京監察御史

壬辰曉刻金星犯房宿

癸巳南京地震

乙未夜月犯外屏星金星犯罰星

丁酉時訪畫士工科右給事中柴昇言不宜留意報聞

戊戌勅孟密土舍象馬思棟執木邦宣慰使罕完法幽之三

年巡撫雲南都御史張誥等議發兵檄諭之乃還罕完法械

戎酋三十餘人待罪

癸卯總督兩廣右都御史閔珪為南京刑部尚書

曉刻木星見夜月犯酒旗星

甲辰秦府邵陽王誠泓薨年四十二謚溫穆

乙巳南京右通政呂憲為左通政其右通政懸關侯焦芳服

除

丙午故寧晉主簿劉舉捕盜死子弼廕四川南津驛丞

曉刻金星犯天江星夜月犯左執法星

丁未右副都御史唐珣為右都御史總督兩廣軍務兼巡撫

進士楊遜為南京監察御史

戊申夜月犯火星

己酉陳璇嗣泰寧侯陳桓子

丁犯大同鎮

壬子夜京師地震有聲

甲寅增築各邊墩臺

十月丁巳肅州天鼓鳴

戊午陝西提學僉事楊一清為副使仍督學

己未旱災免平陽大同田租

庚申皇次子厚煒生

壬戌八月廿州平堡

癸亥曉刻火星犯亢宿

丙寅鎮守甘肅太監傅憲延綏太監陸閏互調

丁卯兵部左侍郎張海請拘阿黑麻貢使閉嘉峪關絕西域

貢道下兵部議



蓋州衛地震有聲

戊辰憲廟順妃王氏薨

己巳戶部右侍郎秦民悅改吏部右侍郎

庚午改張秋曰安平鎮劉大夏疏孫家渡三十里四府營十

秋南以漕五旬而旱

陝西按察使許進為左僉都御史巡撫甘肅

壬申總督南京糧儲右副都御史李蕙為左副都御史總

督漕運兼巡撫鳳陽廣西副總兵都指揮同知郭鉉為署都

督僉事漕運總兵官鎮守淮安

山東布政司左叅政張縉為右通政管沙河至德州河道

甲戌張秋河塞仍議黃陵岡工役

乙亥提督倉場戶部右侍郎侶鍾改南京工部右侍郎蕭楨

為南京刑部右侍郎

兵部左侍郎張海都督同知綏謙還甘肅言哈密存亡不足

煩中國時哈密未定復得勅令賑恤甘涼邊軍不顧而入被

劾工怒其不任下錦衣獄

丁丑楊綸韓普余本實邵蕃李紹張淳黃珂王用張隆陳策

丘天祐馮清鄭弘胡華黃山方誌姚壽王恩姚祥范鏞邊憲

費鏜劉淮夏景和石玠趙鑑謝朝宣呂茵鄧璋燕忠劉道立  
黃世經為監察御史

庚辰順天府尹黃傑為戶部右侍郎提督倉場應天府尹樊  
瑩為南京工部右侍郎

辛巳成都前衛貢士徐楠終養教授巡撫都御史梁璟薦授  
夷陵州判官致仕

甘肅邊警英國公張懋新督莊鑑馬昇整京營兵候發  
巡撫河南右副都御史徐恪坐事調湖廣以湖廣巡撫都御  
史韓文代

壬午灾傷免陝西田租十之三

朝鮮國王李藝卒

乙卯弘治八年

正朔外南京右僉都御史王軾為右副都御史總督南京糧儲  
福建右布政使張玉南京太僕寺卿冀綺為順天應天府尹  
壬辰詹事兼翰林侍讀學士陸簡卒簡字廉伯武進人成化  
二年進士及第授編脩歷侍講右諭德庶子少詹事少有俊

才頗自負詩文峻潔有法性溫粹不妄交喜談節義年五十  
四賜祭葬贈禮部右侍郎

乙未刑部尚書彭韶字鳳儀莆田人天順丁丑進士授  
刑部主事進員外郎屢論事後諫外戚田土下獄有直聲歷  
廣東左布政使劾梁芳弟德貢獻之擾累進巡撫應天入大  
理卿論鎮守進貢害民及司刑執法不撓好問學手不釋卷  
贈太子太保謚惠安

戊戌月夜犯軒轅右星

庚子四川建昌衛地震有聲

辛丑夜月犯左執法星

壬寅後府右都督周玉卒玉滁州人自宣府萬全都司游擊  
將軍副總兵頗有聲晚鎮甘肅以衰敗被劾謚武僖

夜月犯進賢星

癸卯曉刻月犯木星

乙巳夜月犯凶宿

丙午夜月犯罰星

己酉募甘肅土兵禦肅州右叅將彭清進左副總兵

庚戌曉刻客星入危宿犯上星

壬子旱災免成都 去年田租之半

瓦刺寇涼州總兵官都督劉寧戰林山墩擒三人斬五十餘級角一日「暮襲我擒其酋斬三十餘級夜又來襲斬二十餘級明日莊浪左叅將楊玉援我斬六級

甲寅懷柔伯施鑑卒

二月朔日食

丁巳曉刻木星犯進賢星

戊午少保兼太子太保戶部尚書武英殿大學士丘濬卒濬字仲深瓊山人景泰甲戌進士館選授編脩歷侍講侍講學

士學士祭酒以禮部尚書入相天稟奇絕博洽多聞雖僻事俚語類多諳曉下筆滾、數千言不休自御醫劉文泰訐王恕人皆不直濬所著大學衍義補家禮儀節世史正綱等行世贈特進左柱國太傅謚文莊遣行人歸其喪孫當尚寶司丞

廖道南曰 國朝洪武建文間則有若劉伯溫之闕大宋景濂之浩博王子充之醇正方孝孺之爾雅永樂宣德間則有解大紳之雄放胡光大之豪巖楊文貞之精畧正統間則有李思文之朴茂劉文安之該覈然皆麗藻豐腴未

有若丘文莊之明體達用酌古準今裒然為一代文宗也  
自是之後若程篁墩李西涯諸公蓋聞文莊之風而興起  
焉者或乃以劉文泰之誣而病之嗚呼豈知文莊者哉  
袁宏曰丘公以辨之學勤於纂述其用世之志亦略具行  
義補矣及位密司竟不能施行其意言與時及勢阻耶抑  
天下事有可言不可行者耶昔人有言退而論天下之事  
易進而處天下之事難信矣夫  
何喬遠曰丘濬立朝有險譎之名讀書宿儒亦豈宜尔若  
迂與亢疑有之矣

己未降兵部左侍郎海張山西右叅政都督同知緱謙都督  
僉事

庚申昏刻月犯畢宿右星

辛酉肅州衛天鳴星隕

壬戌安置土魯番使者凡見的凡於廣西

乙丑岐王祐楡之國德安

禮部左侍郎兼翰林侍讀學士李東陽少詹事兼翰林侍講  
學士謝遷直文淵閣

廣西按察使楊守隨為南京右僉都御史

丙寅兵部右侍郎李介為左侍郎巡撫陝西右副都御史王  
宗彛為兵部右侍郎

朶顏三衛夷連寇密雲古北口

丁卯昏刻月犯靈臺星

己巳寧夏地震昏刻南京壽星見

壬申浙江永嘉暴風雨雹壞廬舍禽麥

癸酉寧夏地復震

甲戌巡撫山西右副都御史張敷華改陝西

乙亥肅州衛天鳴

丙子廷臣失朝豐城侯李璽等六百二十餘人罰運磚有差  
或曰監察御史陳瑤嘗與璽爭坐瞰其未入遽中之

戊寅曉刻火星犯房宿

己卯築黃陵岡河、復故道南派

庚辰大理寺左少卿顧佐為左僉都御史提督鴈門等關兼

巡撫山西

三朝子趙縉王倬為南京監察御史

前禮部左侍郎萬翼卒翼大學士安之子

進士小

有才淫贖無行郎中時還里縣給役二人俱通其妻尤內亂

時逆人不齒也

辛卯鄭府涇陽王見溢荒淫不道奪爵閑住

武平伯陳綱卒

宣府龍門衛地震有聲有火見廣寧衛墩臺之旗端

癸巳賜朝鮮國王李婁謚康靖

甲午登州地再震如雷

丁酉內承運庫乞採礦補匱戶部議止之

己亥桐城縣雨雹殺麥寧夏地震者十二大壞邊墻城堡廬

舍

庚子河南右布政使朱瑄為右副都御史巡撫蘓松 兼

理糧儲在官即以造士恤荒抑強扶弱為任民繪像祠之

辛丑陝西靖 衛地震如雷寧夏復地震至壬寅六見

夜月犯東咸星

壬寅 太皇太后疾平諭 上曰粵自 英皇厭代予正位

長樂 憲宗皇帝克盡子道以天下養二十四年無異一日

暨 皇帝嗣位實能繼述先志敦尚彝倫奉養之禮至隆至

厚去年七月予偶嬰瘍疾 皇帝夜起祝天春如罷宴問安

視膳寢食靡違頃者醫藥奏功克底康寧以昔校今父子一

道天地所臨祖考攸鑒徵諸孝治必有休祥予心嘉焉是  
用宣之於詞以表誠孝上表謝祖孫慈孝稱盛事矣

甲辰刑部右侍郎戴珊為左侍郎工部右侍郎謝綬改刑部  
右侍郎

通政司右通政杜明卒祥符人成化十四年進士善文人貴  
賤無忤

肅州天鳴

戊申水災免江西去年田租有差

己酉右春坊右諭德王鏊為翰林侍讀學士左春坊左諭德

楊守陟為翰林侍講學士

肅州衛嘉峪關地震有聲石泗椀源清河儀真安東暴雨雹

殺麥

庚戌易州山厥工部右侍郎曾鑑署部事

四甲寅朔太常寺卿齊章卒東安人成化二年進士

工部左侍郎徐貫等脩江南水道并賑濟事竣

宣府懷來衛地震有聲

丙辰左通政王傳為太僕寺卿理易州山厥

丁巳有星墜於歷城

庚申山西榆社陵川襄垣長子沁源及慶陽隕霜殺菽麥



壬戌太監金輔李珍行人王獻臣封朝鮮世子李愔為國王  
癸亥昏刻月犯左執法星

甲子前左府都督同知王瑛卒世府軍衛正千戶  
乙丑封都督同知張延齡建昌伯

庚午南京吏部尚書王與致仕

辛未有星隕於鉛山  
壬申當塗縣蝗

癸酉監察御史曹鳳請各省鄉試俱遣朝臣下所司  
昏刻火星犯氏宿

甲戌山西太平縣天鳴

乙亥洪遠為南京監察御史  
常州及泗邳大雨雹

丙子沂州雨雹

戊寅大學士徐溥奏臣鄉軍興義田贍族乞立戶遵守從之  
免其徭

己卯進士鄒文盛夏易孫瑞王承裕王廷鍾勅徐沂李濬為  
給事中

出內庫舊甲七萬於工部脩作

庚辰渭南衛蓋州衛地震有聲

辛巳遠山東按察副使楊茂元下錦衣獄降長沙同知初太監李興治張秋祀河焚帛灰結若人形象惧茂元以聞請撤興等專任劉大夏又欲斥盡士罷鎮守內臣忤旨遠降

南京戶部主事高暄勘災蘇松受賄下獄成常德衛

廣東左布政使金澤為右副都御史巡撫江西南贛建昌潮

惠南雄汀彬裁南贛兵備副使

壬午釋輕囚

五明申太僕寺卿王傳以篤戚降鄖陽知府

湖廣布政使陶魯為湖廣右布政使仍兩廣兵備

乙未巡撫貴州右都御史鄧廷瓚回南院

丙申入宣府龍門所

戊戌入遼東鎮北堡

庚子夜月犯牛宿

癸卯總督南京糧儲右副都御史王軾為左副都御史巡撫貴州兼理軍務

甲辰國子祭酒林瀚請明年增歲貢生實國學從之

前南京吏部尚書王傑卒傑武進人景泰辛未進士及第授

編修歷祭酒吏戶部侍郎風采凝峻勤敏吏事文亦整潔為  
時所稱贈太子太保謚文肅子沂進士右副都御史

丁未廣西左布政使李孟暘為右副都御史總督南京糧儲  
唐氏四川布政司右叅議周瑛為右布政使

環縣及慶陽衛雨雹

辛亥前撫治鄖陽右副都御史何經卒廣東順德人景泰五  
年進士寬厚不自炫

六月子朔南京雨自五月二日至是始霽

甲寅北野也克力部酋長亦刺思王滿哥各款肅州塞避

內附許之

乙卯京師雨雹

丙辰昏刻月犯靈臺星

戊午四川威州灌縣汶水地震有聲

己未秦府汧陽王公鎬薨年六十謚端懿

庚申霸州雨雹

癸亥夜大星犯氐宿月犯東咸星

甲子照縣雨菽黑白不可食

己巳入彗雲

前太子少保工部尚書賈俊卒俊東鹿人景泰元年貢士授

御史歷撫寧夏持憲度嚴軍法入工部右侍郎賑河南進尚  
書飭材訓藝動必信度後人鮮能及之年六十八賜祭塋  
庚午戒南京勲臣乘輿  
壬申前左府都督同知白玉卒  
安邑縣雨雹傷禾

癸酉補造南京軍器

丙子張弘宜為南京監察御史

夜大星自房宿派至近濁

丁丑大學士徐溥等請昧爽視朝納之

七  
辛巳朔秦府保安王誠潢薨年三十四謚榮穆

甲申山丹衛雨雹傷禾

乙酉沘州衛冰雹殺禾暴水溺人畜

丁亥追封宋儒楊時將樂伯祀孔廟

丁酉入宣府獨石

戊子廣西副總兵歐磐等大兵擊平樂叛徭破之斬六千七

十級俘一百餘人

金星晝見

夜月犯氏宿

己丑遼王恩鑑薨年四十四謚曰惠

南京右僉都御史楊守隨提督操江

甘肅總兵官都督同知劉寧為左都督

癸巳常州通判姚文灝為工部都水主事治蘇松常鎮杭嘉湖水利賜勅

甲午土魯番速壇阿黑麻自稱可汗侵沙州脅罕東諸部兵部尚書馬文升計黠桀必加之兵宜如漢陳湯故事襲斬之肅州撫夷指揮楊翥語夷情召語之翥曰罕東兵三千為鋒我兵三千援之累糧數日間道兼程可克也遂勅罕東赤

斤哈密三衛邊兵以副總兵彭清統之往

議築朔河川石城設密雲兵備副使

夜京城北方白蜺見月犯羅堰上星

乙未錦衣衛帶俸都指揮同知王清指揮使王濬為都督同知皆皇太后弟

丁酉勅還內官監太監李興平江伯陳銳都御史劉大夏  
庚子初召崇王見澤省太皇太后以閣部科道諫止之

吉母知府顧福為河南布政司右叅政南陽撫民

辛丑昏刻木星犯進賢星

甲辰翰林院五經博士孟元請貶封吏部謂八品非例特許

之

丁未

入宣府永寧

辛亥朔寧夏地震聲如雷

癸丑

巡撫湖廣都御史徐恪奏長沙民困苦賈生蓮華七日謝

甲寅寧夏地震有聲

己未

庚申裁雲南巡礦叅議

宣府懷來衛灤州地震

壬戌肅州衛地震

癸亥諭脩省

乙丑昏刻月犯壘壁陣東星

丙寅夜月食不應欽天監正吳昊等奪俸

灤州地震有聲

戊辰遼府應山王恩錦薨年三十八謚和僖

灤州地復震有聲

庚午右副都御史劉大夏回院

辛未上犯大同 僅指揮湛清中矢死

宣府懷來衛地復震夜月犯畢宿

甲戌內官監太監李廣以丹術符水見幸富人子袁相賂廣  
選駙馬都尉將尚主被劾斥相廣不問宥司禮太監蕭敬楊  
穆韋紀

乙亥益王祐檟之國建昌

松潘賊入寇四川

丁丑太子太保兵部尚書馬文升言災異迭見皆賊繁役重

所致古十一而稅今十稅四五往年京師倉庫易納近雜費

倍之絲綿花絨布一切物料交納尤難江南兌運正糧一石

費至三四石裹桑盡鬻而絲絹不免田畝盡鬻而稅糧猶存

賦重民困未有甚於此時也下所司議之

鄭王祁鏜薨年六十謚曰簡

戊寅馬湖土知府安鰲淫虐有罪伏誅安氏襲五世至是改

涿官知府增府知一

己卯貴州安南衛地連震

九月己朔夜大星自天倉涿至近濁

壬午復山東布政司右叅政勸農兼水利

戊子暹羅國人有舟飄至瓊州歸之

福州地震

壬辰魯府東阿王泰榷薨年七十九謚端懿

癸巳瓜哇國王不刺各得那眉八貢舟覆百餘人惟金葉表

存市舶司太監王宣等請別遣人齎進從之

甲午潮州暴風雨壞城舍人畜貴州安南衛地震累日凡十

有二

戊戌兖州地震聲如雷

南京太常寺卿鄭紀上東宮聖功圖飾以金碧將覲宮僚

君子耻之

山陽贛榆地震有聲海州累日九震

戊戌單王親鈞亡調南昌左衛仍護衛不許

巳亥占城國王古來入貢

左副都御史劉大夏言運河之水全藉太山諸泉每歲夏秋

涸蓄南旺旱則因以濟運比年豪民往決隄泄水圖裁時

之利否則阻遏泉源私引溉浸先年白侍郎昂奏請禁治而

運河甚利便今請如故事報可



蕭州衛天鳴

癸卯左副都御史劉大夏為戶部右侍郎

犯遼東開原

甲辰夜月犯御女星

乙巳少詹事兼翰林侍讀學士謝遷服闋入京進詹事仍直內閣

丙午太子太保兵部尚書馬文升言風俗日澆請脩舉社學從之

觀城鄆城壽張范縣各地震有聲濮州地連震聲如雷

丁未裁淮安揚州甯河通判

戊申兵部左侍郎李介脩潮河川城疾甚改命右侍郎王宗

彙

十庚戌朔連東廣寧衛地震聲如雷

甲寅戶部右侍郎侶鍾改吏部右侍郎

戊午南京工部右侍郎樊瑩為左副都御史巡撫湖廣兼巡

理軍務

夜大星自參宿派至弧矢

己未總督兩廣右都御史唐珣卒珣華亭人天順丁丑進士

知合州有能聲遷南京刑部郎中出知福州有偽閣橫甚拘  
壁人於浴室伺實寘諸法果進總督廣人悼之

辛酉翰林院庶吉士顧清沈燾吳一鵬周玉黃瀾為編修趙  
士賢楊昇王鎮任良弼為給事中蕭柯曹瓊陳玉為監察御

南京地震

丙子宣府順聖川地震戊寅止

丁丑占城國王古來訴安南侵掠乞上欲遣官諭安南大學  
士徐溥等言王者不治夷狄降勅遣官彼豈遽悔或飾過執

迷使臣無以復命置而不問則損威若問罪與師後患愈大  
上納之遂令兩廣守臣檄安南務敦和好

十 月 庚辰朔署宗人府駙馬都尉周璟卒璟安陽人尚重慶公  
主博雅好詩文尤善書聲稱藉甚公主事姑章以賢孝聞近

代所無也有  
壬午南京右府都督僉事楊昇卒

甲申禮部尚書倪岳等以災異脩省會奏三十二事仰法

聖祖早朝悅接群臣使殿議處宗室祿費暫停工役慎重武

備停止織造減齋醮減收糧斛內府監收皮張清查馬匹添

支糧餉收錄後裔軍職子弟災傷馬匹減造文冊審清刑獄清查

匠役擅科軍士清除吏弊量完拘繫懲戒邪慝真入張玄慶

禁革科歛外官假公科歛寬宥逃罪工納之

乙酉增慶陽莞糧通判

普府寧化主鍾鈞允殘有罪廢為庶人銅鳳陽妃武氏奪封

壬辰戶部左侍郎吳原卒漳浦人天順八年進士

貴州婁南衛地連震聲如雷

癸巳停江西湖廣山東供應牲口十分之三

甲午前南京太常寺卿翟瑛卒洛陽人成化二年進士

乙未傳制封見潯順昌王見洵崇安王訐濬濟源王秉機臨

潼王

戊戌岷州衛百戶呂瑛等樵塞外番人射死守備西固城指

揮喬永擊斬五級

己亥曉刻日犯軒轅左星陝西金州洵陽地震聲如雷

壬寅丁犯軍遠麻溝山

丙午作壽邸於保寧

己酉旱災免順德真定大名廣平河間田租

暫停內府工役

曉刻木星犯氏宿

巡撫甘肅右僉都御史許進總兵官左都督劉寧副總兵彭清以三千騎出嘉峪關倍道旬日抵哈密番將牙木蘭聞之乘善馬逸去官軍夜坎城而登斬餘黨六十級降八百人獲陝巴妻女還師初議徑罕東大雪迷失道遂由常程罕東兵不至牙木蘭極機警能挽六石弩夜宿數徙善馬日行七百里越宿至土魯番阿里麻欲追我師牙木蘭難之乃已

談遷曰馬文升計復哈密欲收傅介子陳湯之功輕騎出塞天假其會罕東協力則牙木蘭授首之不暇威行千里之外誠曠世事也今雖克還無害其功未著於子膠大宛斬鄧支千載而下猶薄漢人者何哉

十一 壬子前戶部右侍郎張鼎卒 咸寧人 成化二年進士

癸丑戶部右侍郎劉大夏為左侍郎巡撫河南右副都御史韓文為戶部右侍郎

昏刻火星犯壘壁陣

甲寅大學士徐溥等以諭改三清樂章乃道家邪妄之說况鄙褻詞曲尤所不習 上納之

犯義州清河堡

丙辰昏刻月掩土星

丁巳秦府永壽王誠淋薨年三十四謚莊僖

戊午昏刻土星犯壘壁陣夜月犯外屏星

庚申犯宣府龍門所

辛酉陝西左布政使陳道為右副都御史巡撫河南

沅盜破桂陽縣

昏刻月犯畢宿左星

壬戌前南京兵部尚書薛遠卒遠瓊山人正統七年進士授

戶部主事歷郎中督大同軍儲天順六年使安南還擢右侍

郎塞決河遷左侍郎至尚書總督京儲致仕起南京兵部人

不能無議云年八十二賜祭葬

陝西靖衛天鳴

丙寅沅盜劫江西會昌轉掠零都瑞金興國安遠等縣

丁卯廣西徭寇平樂昭平堡

戊辰辰榆林城

曉刻月犯右執法星

己巳寇遼東鉄嶺城

庚午修潮河川閘隘

辛未南京右都御史鄧廷瓚總督兩廣軍務兼巡撫  
甲戌入古北口

乙亥施瓚嗣懷柔伯

右府署都督僉事吳勇卒

丙子長沙大雷雨

丁丑南昌及彭水縣大雷雹折木

丙辰弘治九年

正月未傳陞太常寺丞布自雲為少卿

甲申周府永寧王同錡薨年五十謚莊和

乙酉夜月犯外屏四星

己丑承運庫太監龍綬等請長蘆鹽二萬八千引供織造戶

部執爭遂每引增直二錢

壬辰上南郊

癸巳蒲州地震

甲午夜月犯軒轅左星

乙未卯刻南京金星晝見

丁酉都院大計降斥干一百三十四人雜職干二百二十一人

戊戌太子太保吏部尚書耿裕卒裕字好問盧氏人景泰甲戌進士館選授戶科給事中天順初忤旨謫泗州判官後改定州成化初復檢討歷祭酒吏部左右侍郎尚書中輩語改南京禮部弘治初改南京兵部入禮部善議論多識典故坦易率直不殖產有父尚書九疇風所著臺閣紀聞藏於家贈太保謚文恪

庚子曉刻月犯西咸星蓋州衛地震陝西金州天鳴

甲辰水災免應天鎮江常州去年夏麥一萬七千八百石有奇

戊申科道拾遺非不謹貪酷者俱留

旱災免太原平陽澤潞去年夏麥十二萬五千二百石有奇昏刻大星自文昌涿南方二小星隨之散聲如雷

二月初酉朔右都御史屠瀟為吏部尚書

先是巡撫湖廣右副都御史徐恪傳陞南京工部右侍郎以不由廷推辭不允

辰刻金星見

辛亥卯刻木星見

甲寅旱災免順德去年夏麥四千六百三十餘石

乙卯詹事兼翰林侍讀學士謝遷侍讀學士王鏊主禮闈

金州地

丙辰方

戊遂日十月

劉本缺

丁巳鄖陽火寧名北

戊午周府臨汝王季博薨年五十謚端懿

太師兼太子太師保國公朱永卒永字景昌父謙撫寧伯成

化初平荆襄盜進侯後征建州賊伏當加進保國公征亦

思馬因世公爵給誥券器字弘深治軍嚴肅第功多矯飾追

封永宣平王謚武襄以同謙謚改武毅

談遷曰宣平屢在行間告廟宣捷懽爵上公非不偉也究

其實曾不足當王威寧幸世承平小有俘斬佐以脂韋夤附

之力福享倍厚太史公稱霍去病天幸以予觀於宣平真

其人矣

王世貞曰永為將能持重其御軍亦嚴整有法然未嘗有

揭杜橫草之績而遭世承平為國虎臣者垂四十年倍元

台爵王公所共事者敗而擒誅不及歿而贈王子孫徹侯



辛亥卯刻木星見

甲寅旱災免順德去年夏麥四千六百三十餘石

乙卯詹事兼翰林侍讀學士謝遷侍讀學士王鏊主禮闈

金州地震

丙辰夜月犯天高星

丁巳鄖陽大寧各地震

戊午周府臨汝王季博薨年五十謚端懿

太師兼太子太師保國公朱永卒永字景昌父謙撫寧伯成  
化初平荆襄盜進侯後征建州賊伏當加進保國公征亦

思馬因世公爵給誥券器宇弘深治軍嚴肅第功多矯飾追  
封永宣平王謚武襄以同謙謚改武毅

談遷曰宣平屢在行間告廟宣捷僖爵上公非不偉也究  
其實曾不足當王威學幸世承平小有俘斬佐以脂韋廣附  
之力福享倍厚太史公稱霍去病天幸以予觀於宣平真  
其人矣

王世貞曰永為將能持重其御軍亦嚴整有法然未嘗有  
揭杜橫草之績而遭世承平為國虎臣者垂四十年倍元  
台爵王公所共事者敗而擒誅不及歿而贈王子孫徹侯

世。弗絕是遵何德哉嗟夫開國之跡靖難其巨小尚不可同年而語以視宣平何霄壤也士大夫不能觀久遠往往駭新建寧遠而忽宣平輩良可唾矣

曉刻金星犯羅堰上星

壬戌蘄州及遵化地再震聲如雷

癸亥曉刻月犯右執法星

丙寅寧府鍾陵王覲錐有罪革歲祿三之一

己巳連東蓋州衛地震

庚午水災免開封彰德衛輝懷慶汝寧去年田租有差

壬申夜京師及涑水縣地震

癸酉 皇次子厚煒薨追封蔚王

宣府隆慶衛地震

甲戌水災免徐州去年田租三萬三千餘石

英國公張懋提督團營

乙亥昏刻南京壽星見

戊寅定西侯蔣驥總兵鎮守蘄州

三月朔四川長寧民家楠樹生華蓮李樹生莖莢  
辛巳晉府義寧王奇漢薨年四十七謚榮康

壬午廣西盜二千餘人派劫廣東信宜縣敗官軍

甲申南京守備太子太傅成國公朱儀卒儀肅靜持重南人初議其非治劇才久而安之至是兵民巷哭相望年七十贈太師謚莊簡

乙酉「犯大同

己丑昏刻月犯軒轅左星

庚寅夜木星自二月來守氏宿

癸巳廷策貢士陳瀾等三百人賜朱希周王瓚陳瀾等進士及第出身有差

丙申夜月犯東咸星

己亥皇太子冠於文華殿

辛丑左府都督同知白全卒全以舍人侍英宗北狩累功

至今官

入黃花鎮

甲辰「入宣府永寧

丙午塋蔚王

丁未進士張宦為南京戶科給事中

三閏戊申朔皇太子始御文華殿受朝

犯蘄州

己酉犯遼東東川堡

選翰林院庶吉士顧潛陳鳳梧濮韶陳咨胡獻張紹齡華泉

陳霽戴銑陶諧劉瑞少詹事兼侍講學士張昇侍讀學士王

鏊教習

江西贛縣地震

壬子旌西寧侯朱誠妻朱氏氏適誠未至先卒氏年十七臨

喪矢節三十九年

乙卯南京左府都督僉事殷潤卒

丙辰旱災免陝西田租有差

丁巳日本國王源義高入貢

夜月犯上將星

戊午魏國公徐偁守備南京

己未平涼隕星如月天鼓鳴

癸亥夜月犯罰星

乙丑工部員外郎海寧祝萃致仕時年四十五

寧夏地震

夜月犯南斗杓星

丁卯起王越左都御史

辛未秦府宜川王誠灌薨年二十八謚康僖

京師及永平衛地震

乙亥右副都御史翟瑄為南京右都御史

前直文華殿大理寺卿朱奎卒奎華亭人父孔陽善書官順

天府丞奎幼補國子生授中書舍人累升官賜祭葬

丙子南京兵部尚書侯璿改南京工部尚書

四 庚辰左僉都御史楊謚為左副都御史巡撫貴州左副都御

史王軾改大理寺卿

太子少保戶部尚書葉淇致仕

甘肅地震

辛巳榆次縣隕霜殺禾

壬午南京木星晝見

甲申南京吏部尚書張悅改南京兵部尚書

南京國子祭酒羅璟致仕

丙戌琉球國中山王尚真入貢

丁亥太僕寺卿彭禮為工部右侍郎仍理易州山廠

犯大同平衛散入宣府雲州等堡殺掠

妖僧張金峰至陝西朝邑符水惑衆走終南山謀亂巡撫張  
敷華授計父老捕誅之

戊子吏部左侍郎周經為戶部尚書貴州左布政使張廉為  
右副都御史巡撫貴州巡撫宣府右僉都御史陳紀回院  
右春坊右諭德署國子司業劉震為南京國子祭酒

逮武岡知州劉遜岷王膺鉅訐其不法也給事中龐洋等御  
史劉紳等言岷王以遜祿罪遜且株証數百人但下撫搜查  
勘則曲直自不能掩忤旨悉下科道官六十二人獄  
己丑禮部尚書倪岳改南京吏部尚書進太子少保

庚寅尚寶司及中書舍人署六科事

「再入薊州燕河營

辛卯南京地震

甲午翰林院侍讀學士王鏊左春坊左諭德侍讀楊廷和侍  
講張天瑞改左右中允脩撰費宏楊時暢改左右贊善編脩  
吳儀靳貴俱兼校書左寺副周文通右寺副劉棻俱兼正字  
少詹事兼侍講學士張昇右諭德王華洗馬楊傑仍舊職供

事

乙未府部九卿請釋科道官從之各罰俸三月

南京刑部尚書閔珪改左都御史禮部左侍郎徐瓊為尚書  
吏禮部右侍郎侶鍾傅翰俱左侍郎大理寺左少卿馬中錫  
為右副都御史巡撫宣府

丙申南京禮科給事中彭誠等言舊額僧道郡四十人州三十人縣二十人概天下不過三萬二千餘人成化二年度僧道十三萬二千二百餘人十二年度萬三千三百餘人二十一年度二萬四千五百餘人前此又不知幾何今不豫禁為患非細章下所司

丁酉翰林侍講黃珣為右春坊右諭德署國子司業

己亥刑部左侍郎戴珊為南京尚書刑部少詹事兼翰林院侍講學士張昇國子祭酒林瀚俱為禮部右侍郎瀚仍祭酒  
庚子巡按直隸御史鄒璋言高郵湖隄易磚以石庶堅完省費從之

壬寅陳勳副武平伯

甲辰刑部右侍郎謝綬為左侍郎右副都御史屠勳為刑部右侍郎

五月未朔蝗災免青州去年田租有差

庚戌晉府褫陰王奇嬰慶年三十一謚安惠

陝西左布政使張淮為右副都御史整飭薊州邊備兼巡撫  
順天

辛亥翰林編修白鈺為侍讀

丙辰京師雨雹

戊午昏刻月犯東咸星

己未北入京請三千人至京詔許千人尋請回兵襲瓦剌

至秋乃首勅邊臣嚴備平江伯陳銳選團營三千人

辛酉武鄉縣水雹壞人畜

乙丑遼東東川堡地震

戊辰前巡撫湖廣右副都御史馬馴卒長汀人正統十年進士

寧夏地震

庚午入宣府馬營堡

辛未入遼東三山營

壬申夜月犯畢宿

六朔寅南京工部尚書馮貫致仕

己卯宣府鎮南口墩驟風雨龍出刀鞘丙丁亥復大雷雨

辛巳翰林脩撰李旻為左春坊左諭德

丁犯大同石門墩



廣寧前屯衛指揮僉事張禮脩遶於陸洲河怒。百餘騎起  
葦泊間官軍失利

甲申巡撫寧夏右副都御史孫仁致仕

乙酉代府棗強王成舒薨年三十七謚安靖

癸未月犯建星

己丑太僕寺少卿張禎叔為右僉都御史巡撫寧夏

庚寅山陰蕭山大雨山崩水溢漂廬舍二千楹死三百餘人  
事聞免其徭賑之

辛卯限度僧道京師八千人南京五千人各省補送原額仍

試而收之

壬辰夜月犯壘壁陣東星

丙申前巡撫鄆陽右副都御史王道平嘉善縣人天順元年進

大飭京營舊制

兵部尚書馬文升言營軍械朽鈍其浙閩齊洛諸省作不如  
法宜勅工部覈內府見藏之數可用或否令兵仗局制為成  
式下諸司舊造長槍折斬馬刀二更團牌為長牌弓矢則如  
宣德正統間製法毋復苟且塞責靡費資財有司不督責不  
勝任者奏貶秩從之

曉刻月祀外屏東星

丁酉右少監楊友鎮守貴州

己亥林世遠曹玉劉堯邢纓何琛王憲王術監章李咨車梁  
戈福金洪王約吳學石祿為試監察御史

庚子旱災免南昌

去

年田租五十萬八千石有奇

辛丑致仕吏部尚書兼翰林學士尹直表賀 萬壽并上

皇太子承華數歲以獻諛希恩卻之

壬寅寧府宜春王奠培薨年六十一謚宣和

甲辰朱暉嗣保國公止一輩子孫仍襲撫寧侯初暉求嗣公  
爵兵科給事中王廷言永功非開國不當世廷議永遠東功  
尚在勘遂有是命

大學士徐溥等以上視朝漸宴侍衛困憊却甲高臥朝貢  
外夷不無輕視朝廷 上納之

七月戊巡撫四川右副都御史馮俊卒宜山人天順四年進士  
辛亥前刑部尚書杜銘卒銘金堂人正統乙丑進士授刑部  
主事歷官四十餘年所至殫力鮮有過舉年七十八賜祭塋  
甲寅官鬻山東長蘆二運司鹽

乙卯翰林檢討陳端進士王用才為汝府左右長史  
十犯宣府柴溝堡

己未錄克復哈密功總兵右都督劉寧為左都督巡撫左僉  
都御史許進為右副都御史右少監沈讓為左少監副總兵  
都指揮僉事彭清為都指揮使餘陞賞有差

曉刻金星犯軒轅

壬戌晉府雲立王鍾鉞薨年五十三謚端惠

癸亥工部尚書劉璋致仕

乙丑應天府尹冀綺劾免

戊辰丁教入宣府雲川堡總兵莊鑑副總兵阮興戰於龍王  
堂斬七十餘級奪回人畜甚衆時鑑與俱以謀勇稱

己巳應天府丞高啟為府尹

辛未戶部右侍郎黃傑致仕壬申卒  
涇川人成化二年進士

禁王府官管河泊

八月亥朔工部左侍郎徐賈為尚書

丁丑南京兵部右侍郎王繼為戶部左侍郎提督倉場

庚辰以日本貢使殺人於濟寧命自後止許五十人入京  
辛巳夜南京壽星見

壬午工部右侍郎曾鑑為左侍郎巡撫保定右副都御史史琳為工部右侍郎巡撫陝西右副都御史張敷華為南京兵部右侍郎

丁亥巡撫甘肅右副都御史許進改陝西

黑熊上西直門傷人不能獲兵部郎中何孟春曰熊之為兆既當備盜亦宜備火或問曰宋紹興己酉永嘉災前數日有熊至城下州守高世則謂其悍趙允緝曰熊於字能火城中宜慎火果延燒官民舍十七予憶此事而云耳

裁廣西游擊將軍

辛卯河南山東左布政使高銓吳珉為右副都御史銓巡撫保定兼提督紫荆等關珉巡撫甘肅

壬辰入宣府雲州堡龍門衛

夜月犯天囿西星

丙申數寇莊浪衛永昌涼州

己亥工部主事王鉉覓遵化鉄冶言因罪不死而官司虐之多斃請月給口糧三斗從之

先是雲南廣南衛卒譁極巡撫都御史張誥門走金山至是擒誅十三人

庚子夜月犯軒轅左星

辛丑湖廣左布政使鍾蕃為右副都御史巡撫四川

百餘騎突入宣府之獨石攻鎮寧墩

壬寅連東鳳凰城天鼓鳴

九羽午前南京工部尚書馮貫卒 蘇縣人天順八年進士

己酉戒諭勳戚侵奪閔津橋梁水陂市販之利

大理寺卿王霽卒 上海人天順四年進士性和厚鮮怨

夜月犯南斗杓西星

庚戌代府廣靈王仕墩薨年六十九謚莊裕

鎮守雲南征南將軍太子太傅贈國公沐琮卒成化阮年嗣

兄壽性勤慎公餘不入私室日冠帶苞苴絕跡留心也田水

利屢勦麗江劍川順寧羅雄叛夷贈太師謚武僖亡子故右

叅將錦衣衛都指揮試之子崑嗣

昏刻月犯建星

壬子慶遠天河縣增設永安長官司

甲寅夜月犯壘壁陣西星

乙卯肅州衛天鼓鳴

庚申丁犯宣府柴溝堡再犯密雲古北口

辛酉曉刻月犯畢宿

乙丑湖廣按察使林俊予告南京大理寺卿章格致仕

丙寅宣府陰慶衛地震

丁卯夜月犯軒轅木星

己巳曉刻月犯靈臺上星

癸酉宣府萬全都司地震有聲

是月衡州天雨物如麥

十丙子汶川威州各地震有聲

丁丑禮科右給事中胡瑞以三年例遣祭海瀆岳鎮祠神樂

觀樂舞生請改遣見任官或辦事進士太常寺卿崔志端鴻

臚寺卿賈斌宜斥不聽

戊寅丁未自大同天城衛潛犯宣府西陽堡

己卯署錦衣衛鎮撫司指揮僉事韓璟卒璟任中後所副千

戶超典詔獄頗能自守不怙權勢歿無餘貲

前太子少保禮部尚書彭華卒華母福人景泰五年進士館

選授編修歷詹事吏部左侍郎直閣少著才名文筆嚴整又

陰譎機深陰排勝己喉羅倫論李賢喉蕭彥莊傾李東厚大

學士萬安附事攷省鄧常恩藉以酬恩怨劉珣王恕馮文升

秦紘劉宣羅璟輩之譴去皆其謀也直閣出自與援誼曰  
百憲臺陞李裕三千館閣薦彭華至今醜之俱出焦芳筆年  
六十五贈太子少傅謚文思

王世貞曰焦以尹龍事出謫桂陽云出華意故怨之刻骨  
而謗詈甚口若此華雖由李孜省薦生平之與尹直俱在  
是非間不應至此

昏刻月犯牛宿

辛巳復設雷蕪高肇兵備使副

甲申巡撫湖廣左副都御史樊瑩致仕

進士范兆祥為翰林檢討直涇王

前南京戶部尚書潘榮卒榮龍溪人正統十三年進士授吏

科給事中言路殆二十年歷南京太常少卿戶部右侍郎右

副都御史其守不變贈太子少保賜祭葬

甲申南京地震

乙酉陝西禮縣地震聲如雷

丙戌南京右僉都御史楊守隨為南京大理寺卿

增開封管河通判

丁亥裁慶遠府忻城流官知縣

夜月犯天園星

辛卯巡撫山西左僉都御史顧佐還南院撫治鄖陽右副都御史沈暉巡撫湖廣兼釐理軍務

乙未賑瀘州及新津諸縣水災

戊戌河溢中牟蘭陽儀封考城折徵田租

己亥廣東左布政使黎福為右副都御史撫治鄖陽

庚子巡撫大同右僉都御史侯恂改山西

南京戶部左侍郎李益致仕

壬寅初邊警命平江伯陳銳團練營萬騎聽征至是改新寧

伯譚祐練習

癸卯進亳縣為州

十一月甲辰朔南京太常寺卿鄭紀為南京戶部右侍郎陝西布

政司左叅政劉瓛為右僉都御史巡撫大同兼釐理軍務

庚戌丁未宣府四海治

癸丑夜月犯外屏西星

丙辰右府都督僉事楊義卒

夜月犯畢宿

辛酉湖廣右布政使陶魯為左布政使兼按察副使管廣東



嶺西道

乙丑傳制封當浮新蔡王聰冷寧津王寵潤枝江王祐鵠都昌王

晉府慶城王鍾鎰年六十三有子四十四謚溫穆

丁卯入寧夏廣武營

十 乙卯刑科給事中楊廉請錄故禮部左侍郎薛瑄文集下

坊刻賜祠曰正學

甲申夜月犯天高星

乙酉朱輔嗣成國公朱儀子

丙戌冊德清長公主駙馬都尉林岳尚之

定襄伯郭嵩子指揮使參求爵吏部以從祖郭登封伯亡子

凡子嵩得襲出特恩今例難再襲遂世錦衣指揮使

戊子夜月食既

己丑祠伏羌伯毛忠於甘州曰武勇

夜月犯軒轅火星犯鉤鈴

丙申補造選官印印各官名上

丁酉刑部典史徐珪請革東廠除名初彭城衛千戶吳能女

滿倉兒付張媪鬻之入樂婦張氏轉售袁璘為娼能妻聶氏

覓女、怨其鬻也。不母遂攘之以歸。致訟刑部。郎中丁哲員外郎王爵歸女聶氏。董表璘教日死。璘妻訴於東廠。太監楊鵬、連聶氏及張媪訊之。媪妄謂女妹生於臨清。者女亦云。然鵬奏哲等罪命法司。確讞且廷訊。俱偏坐哲等。徐睦言哲讞允當。而楊鵬之姪嘗私此女。密告女婢。異詞榜聶氏使誣伏。妄稱刑官偏酷。鎮撫司互相蒙蔽。法司畏東廠。始終莫敢辨。此女誣母罪不容誅。而僅擬杖哲等。被誣加之。以徒輕重。倒置東廠之勢。如此。臣在部三年。每見鞠盜多獲。自東廠鎮撫司或稱校尉仇陷。或稱校尉受賄。縱得真情。孰敢擅更隻字。以哲事觀之。竊為昔年枉者。嗟歎不已。臣願陛下革東廠。優楊鵬。如不革東廠。則擇謹厚中官如陳寬、韋泰。仍選一大臣共事。其鎮撫司理刑。不專錦衣衛。乞選京衛一二人及刑部主事共事。上怒。下臺獄。滿倉見杖訖。入浣衣局。丁哲削籍。

己亥曉刻月犯建星

Handwritten text in vertical columns, likely bleed-through from the reverse side of the page.



Additional handwritten text in vertical columns, located below the watermark on the right page.

程